

RESOLUCIÓN REITORAL POLA QUE SE CONVOCAN AXUDAS DO FONDO DE ACCIÓN SOCIAL DA UNIVERSIDADE DE VIGO PARA OS PREZOS PÚBLICOS DE MATRÍCULA NO CURSO 2023/2024

A Universidade de Vigo ten establecido un sistema de axudas con cargo ao Fondo de acción social da universidade para facilitar o estudo ao persoal que presta os seus servizos nela e demais persoas beneficiarias vinculadas ao mesmo.

Así mesmo, en virtude do recoñecemento recíproco destas axudas sometido ao principio de compensación, recoñécese o dereito ao persoal das Universidades da Coruña e de Santiago de Compostela.

Por isto ESTA REITORÍA RESOLVE:

1. Convocar axudas do fondo de acción social para a matrícula do persoal da Universidade de Vigo en titulacións oficiais das universidades públicas galegas no curso 2023/2024, que serán xestionadas de acordo coas bases reguladoras que figuran no Anexo I.
2. Establecer o procedemento a seguir para a xestión da axuda de matrícula para o persoal das Universidades da Coruña e Santiago de Compostela matriculado en titulacións oficiais da Universidade de Vigo no curso 2023/2024, sometido ao principio de compensación, que será xestionada de acordo coas bases reguladoras que figuran no Anexo II.
3. Publicar esta convocatoria e as bases que a regulan no taboleiro da sede electrónica <https://sede.uvigo.gal/> e na web da Universidade de Vigo <https://secretaria.uvigo.gal/uv/web/convocatoria/public/index>

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte da súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte da súa publicación, perante o mesmo órgano que a ditou. Neste caso, non caberá interpoñer o recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da *Lei 39/2015, do 1 de outubro, do procedemento administrativo común das administracións públicas*.

Vigo, na data da sinatura electrónica
O reitor,
Manuel Joaquín Reigosa Roger



ANEXO I

BASES QUE REGULAN A CONVOCATORIA DE AXUDAS DO FONDO DE ACCIÓN SOCIAL PARA A MATRÍCULA DO PERSOAL DA UNIVERSIDADE DE VIGO EN TITULACIÓNS OFICIAIS DAS UNIVERSIDADES PÚBLICAS GALEGAS NO CURSO ACADÉMICO 2023/2024**1. OBXECTO**

O obxecto desta axuda do fondo de acción social é sufragar ao persoal da Universidade de Vigo os gastos derivados dos prezos por servizos académicos en titulacións oficiais de grao, máster e doutoramento impartidas nas universidades do SUG no curso académico 2023/2024.

2. TITULARES DO DEREITO E PERSOAS BENEFICIARIAS

1. Son **titulares** do dereito ás seguintes persoas:

- a) O persoal docente e investigador e o persoal de administración e servizos (queda excluído o persoal eventual e con contrato de alta dirección) que reúna os seguintes requisitos entre o 1 de xullo e o 30 de setembro, ou no momento da matrícula no caso de realizarse fóra deste período:
 - i. Percibir as súas retribucións con cargo ao capítulo I dos Orzamentos da Universidade de Vigo. O persoal vinculado á Universidade mediante contrato de traballo deberá estar incluído no ámbito de aplicación do Convenio colectivo do PDI e PAS laboral.
 - ii. Atoparse na situación administrativa de servizo activo ou excedencia por coidado de familiares.
- b) Os familiares (cónxuxe/persoa coa que conviva maritalmente, fillos e fillas ou proxenitores) deste persoal que tivera falecido en servizo activo ou excedencia por coidado de familiares ata o segundo grao de consanguinidade ou afinidade, desde o ano 2018. O/a cónxuxe ou persoa coa que convivira maritalmente poderá solicitar estas axudas mentres permaneza en estado de viuvez ou non conviva maritalmente de novo.
- c) O persoal xubilado ou declarado en situación de incapacidade absoluta ou gran invalidez.

2. Son **beneficiarios/as** ademais da persoa titular do dereito descrita no apartado anterior:

- a) O/a cónxuxe do/a titular do dereito, ou parella de feito debidamente inscrita.
- b) As fillas e fillos de calquera dos anteriores menores de 28 anos no caso de estudos de Grao, de 30 anos no caso dos estudos de Máster e de 33 nos estudos de Doutoramento, a 31 de agosto de 2023, sempre e cando o titular do dereito asuma os gastos de educación.
- c) As persoas menores de idade acollidas pola persoa titular de xeito permanente ou preadoptivo.

3. INCOMPATIBILIDADES

- 1. Estas axudas son incompatibles con calquera outra, de carácter público ou privado, destinadas para a mesma finalidade.



2. Terá carácter prioritario a aplicación de calquera outra axuda, dedución, subvención ou exención para o pagamento de prezos públicos por servizos académicos á que o alumnado tivera dereito, sendo obrigatorio poñelo en coñecemento da Universidade de Vigo.

4. DOTACIÓN, CONTÍA E PAGAMENTO

1. As axudas correspondentes ao persoal da Universidade de Vigo imputaranse á aplicación orzamentaria 0000 421S 162.99 "Outros Gastos Sociais", que ten a consideración de partida ampliable; como expediente de tramitación anticipada, á súa concesión queda condicionada á existencia de crédito axeitado e suficiente no momento da resolución da concesión.
2. O importe das axudas do persoal da Universidade de Vigo será o correspondente, unha vez aplicadas todas as exencións ás que teña dereito, aos prezos públicos por servizos académicos das materias matriculadas, incluídos os importes dos recoñecementos e do exame para a obtención do título de doutor/a, así como, o importe das probas de acceso.

Están excluídos os seguintes importes:

- Matrícula en programas de formación permanente (títulos propios de posgrao...) e outros cursos da Universidade de Vigo que non teñan carácter oficial.
 - Os prezos polos servizos administrativos de: apertura de expediente, expedición e mantemento de tarxetas de identidade, soporte e documentación da matrícula, expedición de certificacións académicas, tramitación de traslado de expediente a outras universidades, solicitude de equivalencia de estudos estranxeiros, expedición do título universitario oficial.
 - O importe do seguro escolar.
3. O pago ao persoal da UVIGO realizarase mediante o procedemento de pago en formalización. O pago no caso do alumnado matriculado nas Universidades da Coruña e Santiago de Compostela realizarase polo mecanismo de compensación interuniversitaria que se estableza.
 4. A contía desta axuda ten a consideración de retribución en especie segundo consta no artigo 42 da Lei 35/2006, de 28 de novembro, do imposto sobre a renda das persoas físicas e de modificación parcial das leis dos impostos sobre sociedades, sobre a renda de non residentes e sobre o patrimonio (BOE do 29/11/2006), e como tal está suxeita a tributación como rendemento do traballo, e polo tanto, sometida ao sistema de retencións a conta na porcentaxe que se practique aos restantes rendementos de traballo. Ademais, en aplicación do artigo 147 do *Texto refundido da Lei Xeral da Seguridade Social* incluírase na base de cotización.

5. PRESENTACIÓN DE SOLICITUDES

1. No momento da matrícula o/a estudante marcará a exención de "Persoal da UVIGO", dando lugar á suspensión cautelar do pagamento dos prezos.
2. O/a titular do dereito deberá presentar a solicitude mediante **o formulario específico deste procedemento** na sede electrónica da Universidade de Vigo.
3. O prazo para a presentación da solicitude é desde:
 - 1 de setembro ata o 31 de outubro para as matrículas realizadas no primeiro cuadrimestre.



- 1 de marzo ata o 30 de abril para as matrículas realizadas no segundo cuadrimestre ou quen por razóns xustificadas non poda presentar no primeiro prazo.

6. COMPROBACIÓN DE DATOS

Para a tramitación deste procedemento consultarase automaticamente os seguintes datos en poder das universidades, agás no caso de que a persoa interesada se opoña expresamente:

- Dni, apelidos e nome, tipo de persoal e antigüidade da persoa titular do dereito.
- Dni, apelidos e nome, data de nacemento e parentesco da persoa beneficiaria.
- Titulación na que se matricula o estudantado.
- Importe dos prezos públicos por servizos académicos.

No caso de existir oposición, ou que a universidade non dispoñan de datos ou existan dificultades técnicas que impidan a súa cesión, a persoa solicitante deberá enviar os documentos que acheguen información a través do **formulario en liña**.

7. TRAMITACIÓN E RESOLUCIÓN

1. Unha vez finalizado o prazo de presentación de solicitudes a Sección de xestión de prezos públicos comprobará o cumprimento de requisitos e elevará a proposta de **resolución de concedidas e denegadas** ao reitor, coa mención da causa de denegación, para a súa publicación no taboleiro da sede electrónica <https://sede.uvigo.gal/>.

2. Se antes da resolución das axudas se solicita a expedición do título académico, se lle poderá esixir ao alumnado o pagamento cautelar dos prezos públicos para proceder á devandita expedición.

3. A resolución pola que se acorde a concesión ou denegación da axuda pon fin á vía administrativa e contra desta, poderá interpoñerse recurso contencioso-administrativo no prazo de dous meses dende o día seguinte da súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*, sen prexuízo da interposición, con carácter potestativo de recurso de reposición no prazo dun mes dende a súa publicación.

4. Se a axuda resulta **denegada ou non presenta solicitude en sede electrónica** no prazo establecido o estudantado deberá aboar o importe de matrícula coas consecuencias previstas na normativa da universidade de non facelo.

5. Unha vez publicada a Resolución Reitoral de concesión, e dado o seu carácter de retribución en especie, o Servizo de Retribucións e Seguros Sociais procederá a imputar o importe de cada traballador/a como rendemento do traballo, e na base de cotización.

8. PROTECCIÓN DE DATOS

De acordo co disposto no artigo 13 do *Regulamento (UE) 2016/679, do Parlamento Europeo e do Consello*, do 27 de abril, relativo á protección da persoas físicas no que respecta ao tratamento de datos persoais e á libre circulación destes datos, e co disposto no artigo 11 da *Lei orgánica 3/2018, do 5 de decembro, de protección de datos persoais e garantía dos dereitos dixitais*, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a presente convocatoria.



Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es

Estes datos trátaranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede está obrigado a facilitar estes datos en virtude do especificado nos parágrafos anteriores e, en caso de non facelo, as consecuencias serán o desistimento da solicitude.

Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Devanditos dereitos poderá exercelos mediante solicitude dirixida ao reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para mais información: <https://www.uvigo.gal/proteccion-datos>

Igualmente poderá dirixir dita solicitude directamente á Delegada de Protección de Datos do responsable cuxa identidade e datos de contacto son Ana Garriga Domínguez, Facultade de Dereito, Campus Universitario As Lagoas s/n, 32004, Ourense (España). Teléfono: 988 368 834. Enderezo electrónico: dpd@uvigo.gal

Así mesmo, vostede ten dereito a presentar unha reclamación ante a Axencia Española de Protección de Datos (AEPD).

https://www.uvigo.gal/sites/uvigo.gal/files/contents/paragraph-file/2021-05/Xestion_accion_social.pdf



ANEXO II

BASES QUE REGULAN O PROCEDEMENTO DE AXUDAS PARA A MATRÍCULA DO PERSOAL DA UNIVERSIDADE DA CORUÑA E SANTIAGO DE COMPOSTELA EN TITULACIÓNS OFICIAIS DA UVIGO NO CURSO ACADÉMICO 2023/2024

1. As persoas titulares do dereito e as beneficiarias das Universidades da Coruña e Santiago de Compostela que cursen estudos na Universidade de Vigo, aplicaránselle os **criterios de concesión** que as súas universidades establezan nas súas propias convocatorias.
2. A aplicación da axuda queda condicionada á compensación ou reintegro á Universidade de Vigo por parte destas institucións dos importes correspondentes. De non facerse efectiva a compensación isto suporá a eliminación da axuda ao persoal das Universidades da Coruña e Santiago de Compostela coa obriga do aboamento dos prezos públicos correspondentes.
3. O **pago** realizarase á Universidade de Vigo mediante o mecanismo de compensación interuniversitaria que se estableza.
4. No momento da **matrícula** o/a estudante marcará a exención de “Persoal da UDC/USC”, dando lugar á suspensión cautelar do pagamento dos prezos.
5. O/a titular do dereito deberá comunicar os seus datos mediante **o formulario específico deste procedemento** existente na sede electrónica da Universidade de Vigo.

O **prazo** para a presentación da solicitude é desde:

- 1 de setembro ata o 31 de outubro para as matrículas realizadas no primeiro cuadrimestre,
 - 1 de marzo ata o 30 de abril para as matrículas realizadas no segundo cuadrimestre.
6. Para a tramitación deste procedemento consultarase automaticamente os seguintes datos en poder das universidades, agás no caso de que a persoa interesada se opoña expresamente:
 - Dni, apelidos e nome, tipo de persoal e antigüidade da persoa titular do dereito.
 - Dni, apelidos e nome, data de nacemento e parentesco da persoa beneficiaria.
 - Titulación na que se matricula o estudantado.
 - Importe dos prezos públicos por servizos académicos.

No caso de existir oposición, ou que a universidade non dispoñan de datos ou existan dificultades técnicas que impidan a súa cesión, a persoa solicitante deberá enviar os documentos que acheguen información a través do **formulario en liña**.

7. Unha vez finalizado o prazo de presentación de solicitudes a Sección de xestión de prezos públicos enviará á universidade que corresponda a relación de persoas titulares que presentaron solicitude para a revisión do cumprimento dos requisitos e xestión de acordo coa súa propia normativa.
8. Se da comunicación da universidade resulta que o estudante **non ten dereito á axuda ou se non presenta solicitude en sede electrónica** o estudantado deberá aboar o importe de matrícula coas consecuencias previstas na normativa da universidade de non facelo. En caso de non estar conforme deberá reclamar na súa universidade de acordo coa súa propia normativa.



9. Se antes da resolución das axudas se solicita a expedición do título académico, se lle poderá esixir ao alumnado o pagamento cautelar dos prezos públicos para proceder á devandita expedición.
10. Protección de datos: De acordo co disposto no artigo 13 do *Regulamento (UE) 2016/679, do Parlamento Europeo e do Consello*, do 27 de abril, relativo á protección da persoas físicas no que respecta ao tratamento de datos persoais e á libre circulación destes datos, e co disposto no artigo 11 da *Lei orgánica 3/2018, do 5 de decembro, de protección de datos persoais e garantía dos dereitos dixitais*, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de xestionar a presente convocatoria.

Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Non obstante e co fin de prever riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es

Estes datos trataranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede está obrigado a facilitar estes datos en virtude do especificado nos parágrafos anteriores e, en caso de non facelo, as consecuencias serán o desistimento da solicitude.

Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Devanditos dereitos poderá exercelos mediante solicitude dirixida ao reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para mais información: <https://www.uvigo.gal/proteccion-datos>

Igualmente poderá dirixir dita solicitude directamente á Delegada de Protección de Datos do responsable cuxa identidade e datos de contacto son Ana Garriga Domínguez, Facultade de Dereito, Campus Universitario As Lagoas s/n, 32004, Ourense (España). Teléfono: 988 368 834. Enderezo electrónico: dpd@uvigo.gal

Así mesmo, vostede ten dereito a presentar unha reclamación ante a Axencia Española de Protección de Datos (AEPD).

https://www.uvigo.gal/sites/uvigo.gal/files/contents/paragraph-file/2021-05/Xestion_accion_social.pdf

